

txoritxoari mokoka

IRAK ERASOTZEAREN AURKA

Amagoia Iban

Zerbitzu publikoa-edo

Iazko uztailan, arrazakeriaren aurkako kanpaina bat abiatu zuen Amnesty Internationalek aurkeztu berria zuen *Espainia. Identitate krisia: arrazakeriak eragindako tortura eta tratu txarrak Estatuaren agenteen eskutik txostena ezagutarazteko*. Alren txosten horretan, 1995etik 2002ra bitartean ikertutako arrazakeriazko 321 tratu txar kasuren berri ematen zen, tartean Euskal Herrian gertatutako zenbait. *Ponte en su piel (Haren larruan jar zaitez)* izenburua jarri zioten kanpainari, eta, orain, ira-

Ironia puntu bat

PPk Iraken aurkako erasoaren inguruan duen jarreraren kontrako ahotsen bozgorailu rola bereganatuz doa Tele 5, eta horretarako plaza bilakatu ditu gauak ere. Pilar Bardem, Guillermo Toledo eta Gran Wyoming aktoreak gonbidatu zituen Manel Fuentesek igandean. Astelehenean, berriz, joan den larunbatean Aznarren agerraldi batean «gerrari ez!» oihukatu zuen gaztea aurkeztu ziguten *Crónicas Marcianas*-en. Tele 5eko akzioen %52 gai horretan Aznarrekin erabat bat datorren Silvio Berlusconiarenak direla jakinda, ironikoa ere bada.

garki bat egin dute Alkoek lelo berarekin, jendea sentibilizatzeko eta Espainiako Gobernuari arrazakeriaren aurkako plan orokor bat eskatzeko. Madrilgo eta Kataluniako telebista kate autonomikoetan ikusgai dago dagoeneko. Espainiako Zientzia eta Teknologia Ministerioak, berriz, ukatu egin die iragarkia telebistaz doan emateko aukera. Gobernuak kanpoko beste hainbat erakunderekin ez dute horrelakorik egin. Ministerioaren arabera, iragarkiak ez du gizarteari zerbitzu publikoa eskaintzeko eta onura ekartzeko helbururik. Ez dute esan zergatik dioten hori. Iragarki ofizial onuragarriren baterako gordeak dituzte, antza, euren azalpen argigarriak.

LABURAEAN

Arabako Kirolarien XVII. Sariketa martxan jarri du Radio Vitoriak

Arabako kirolari onenak omentzeko sariketa antolatu du urtero bezala Radio Vitoriak. Boto gehien jasotzen dituzten bost kirolari izendatuko dituzte lehendabizi, eta horietatik urtean zehar gehien nabarmendu dena sarituko dute. Arabako Kirolarien XVII. Sariketan botoa emateko 100.000 txartel banatu dira hainbat aisialdi egoitzatan. Horrez gain, www.eitb.com webgunean edo 945012650 telefonoan eman daiteke botoa. Sari banaketa apirilaren 2an egingo dute Artium musean.

Jose Maria Aznar Espainiako gobernuburua elkarriketatuko dute gaur Antena3 katean

Hainbat gaietan Espainiako iritzi publikoa kontra duenean (bereziki Irakeko gatazkan duen jarreragatik), Antena3 kate pribatuak Jose Maria Aznar elkarriketatzea erabaki du. Ernesto Saenz de Buruagak egingo dizkio galderak A3ko estudio nagusietan, 21:30ean. Atzo, PSOEko buru Jose Luis Rodriguez Zapatero T5en izan zen.

Aljeriako gerrako lekuko hitzak gaur eta datorren astean Arte katean

Aljeriako gerra (1954-1962) egiterat behartu zituzten eta lekuko izan ziren izugarrikeriez testigantza emango dute soldaldu frantziar ohi zenbaitek, Arte kate publikoan. *Les mercredis de l'Histoire* saioaren barruan emitituko dute André Gazutek moldatutako *Pacification en Algerie* dokumentala, bi zatitan. *Egitate zakarra* izenburuko lehen zatia gaur arratsean, 20:45ean, hedatuko da eta bigarrena datorren asteazkenean, ordu berean.

ETB1. Pausokak ekoitzitako telesailak 1.700 atal beteko ditu laster



Isidoro Fernandez, Nagore Perez eta Antton Etxeberria aktoreak.

Hiru aurpegi berri

Isidoro Fernandez, Nagore Perez eta Antton Etxeberria dira 'Goenkale'-ko aktore berriak

Erredakzioa | DONOSTIA

ETB1eko *Goenkale* telesailaren bederatzigarren denboraldia azken txanpan sartzen ari da. Datozen ataletan azpikeria, tentsioa, maitasuna eta umorea tartekatuko dira, agertuko diren hiru pertsonaia berriei esker.

Isidoro Fernandez aktore berteranoak Ibon pertsonaiaren rola beteko du. Ibonek Mila (Maiken Beitia) emazteari tratu txarrak ematen dizkio, eta familiar tentsio handiko uneak biziko dira. Gainera, Arraldera zein arrazoiengatik iritsi den argitu-

ko da datozen ataletan. Anartz semea, gainera, aitarekin elkartu dela jakiteak sutan jarriko du Mila eta Ibon atxilotzeko froben bila ibiliko da.

Nagore Perez aktore gazteak, bestetik, Koldoren (Iñigo Larrinaga) neska-lagun berriaren rola beteko du: Marta. Neska xumea naturala eta maitekorra da Marta.

Azpikeriak eta umoreak bat egingo dute, bestetik, Antton Etxeberria aktoreak beteko duen pertsonaiari esker. Humberto detektibe xelebrearena egingo du Etxeberriak. Haren zorroztasunak, senak eta izaera

bitxiak misterioak, desagerpenak eta arte falsifikazioak argitzen lagunduko du.

ETBn gustura daude telesailaren audientzia datuekin

Euskal Telebistan pozik dira *Goenkale*-k denboraldi honetan lortutako ikusle kopuruarekin, eta pertsonaia berriek maila hori mantentzen lagunduko dietela espero dute. Urtarrilean, batez beste 100.000 pertsona inguruk jarraitu zuten egunero *sugetzarra* (ETB1eko batez bestekoaren ia bikoitza).

1.700. atalera iritsiko da hementik gutxira *Goenkale*, eta, dirudienek, hamargarren denboraldira ere iritsiko da. Telebista munduan ITV Carltoneko *Coronation Street* da telesail zaharrena, 37 urterekin.

ETB2



Estibaliz Ruiz de Azua.

Batasunak ez du ordezkariarik izan 'Politicamente Incorrecto'-ren azken eztabaidan

Xabier Martin | DONOSTIA

ETBk udal hauteskunde legeari buruzko eztabaida iragarri zuen joan den asteburuan. ETB2ko *Politicamente incorrecto* saioan baina, astelehenean, egin beharreko mahai-inguruaren hizpidea aldatu zen azken orduan, eta Joseba Pagazaurtunduren hilketa izan zen mintzagaia. Hizlarien artean, ez zen izan Batasuneko ordezkariarik, alderdi horrek ez baitzuen gonbidapenik jaso. Halaxe berretsi zuten atzo Batasuneko iturriek. Eusko Legebiltzarrean ordezkariatza duten gainontzeko alderdi guztiek izan zuten ahotsa. Santiago Abascal (PP), Emilio Olabarria (EAJ), Rafa Larreina (EA), Manuel Huertas (PSOE-EE), Oscar Matute (IU-EB) eta Enriqueta Benito (UA) eseri ziren Estibaliz Ruiz de Azua aurkezlearen inguruan.

ETBko iturriek EGUNKARIARI atzo esan ziotenez, «jada udal hauteskundetan beraien parte-hartzea baietsia duten alderdiei soilik» eman zieten eztabaidan parte hartzeko gonbidapena.